

Ji bo rastiyan veşêrîn çapemeniyê hedef girtin

20 weşan hatin girtin

Piştî civîna MGK'ê 20 saziyên ku bi kurdî weşanê dikin, xitabî elewiyan û zarokan dikin bi awayekî derqanûnî hatin girtin. Gelek derdorên cuda bertek nîşanî astengîkirina weşanan dan

Îktidara AKP'ê, piştî hewl-dana darbeya leşkerî ya 15'ê Tirmehê de li ser daxwaza Serokomar Erdogan, di 21'ê tirmehê de OHAL hat îlankirin û bi îlana OHAL'ê û biryarên KHK'ê re dijberî sazî, dezgeh û rêxistinên demokratîk êrîş li ser êrîşan pêk hatin. Herî zede saziyên çapemeniyê para xwe ji van êrîşên hikûmetê girt.

Êrîşî baweriya elewiyan kirin

GELÊ DERSIMÊ bertek nîşani girtina qanalen TV10 û Jiyane dan û diyar kirin ku qanalên hatin girtin qutkiri-na dengê û qedexeya baweriya gelan e. Dêrsimiyên destnîşan kirin ku girtina televîzyonan nîşaneya êrîşên din ên li dijî deng û baweriyên e. Federasyona Elewiyan a Demokratîk li Ewropayê (FEDA) li ser girtina 10 kanalên televîzyonê daxuyaniyek da. Di daxuyaniyê de hat ragihandin ku TV 10 ku dengê elewiyan e, yek ji kanalên hatine girtin e banga xwedîderketinê li TV 10'ê kir. **AMED**

Radyo Ses: Ji rastiyan ditirsin

POLÎSÊN AKP'Ê deriyê Radyo Ses a li Mêrsînê girt, deriyê wê jî mohrkirin. Xebatkara Radyo Sesê Fatma Olmez bi lêv kir ku bi şev piştî ku deriyê radyoyê hatiye şikandin weşan hatiye rawestandî û sedema girtina radyoyê nizanin. Olmez destnîşan kir ku ew ê mafê xwe biparêzin û dê dengê xwe bigehînin gel. Parêzerê radyoyê Alî Bozan jî anî ziman ku KHK bi awayeke kêfî tî bikanarin û ev tişt anî ziman: "Ji bo ku radyo careke din dest bi weşanê bike çî jî destê wan bê dê bikin." **MÊRSÎN - DHA**

Dunya: Dê têkoşîn bidome

PIŞTÎ BIRYARA RTUK'ê ya girtina 10 televîzyonan, deriyê Radyo Ses a li Mêrsînê jî hatibû morkirin. Piştî vê yekê li Edeneyê jî polîsan bi ser Radyo Dunya de girtin. Polîsên ku li avahiya radyoyê ya li navçeya Seyhanê lêgerînê kirin, hat hînbûn ku dê weşana radyoyê qut bikin. Gerîndendeya Weşana Giştî ya Radyo Dunya Gumuş, bertek nîşanî biryara girtina radyoyê da û diyar kir ku ew dê bi sekna Gurbetelli Ersoz û biryara Apê Musa têkoşîna xwe berdewam bikin. **EDENE**



Di çarçoveya OHAL'ê de bi dehan rojname, tv, radyo hatin girtin. Herî dawî Lijneya Ewlehiya Neteweyî piştî kom bûn û piştî civînê der barê 20 televîzyonên ku piraniya wan kurdî weşanê dikin biryara girtinê hat dayîn. Di çarçoveya xala 668'an KHK'ê yê OHAL'ê de darbe pêk hat. Di nav de Azadi, Jiyân, Denge TV, Hayatın Sesi, Van TV û radyoyên wekî Yon Radyo, Mersin SES, Radyo Dunya bi giştî 20

radyo û Tv hatin girtin.

Li gorî endamê Desteya Bilind a Televîzyon û Radyoyê (RTUK) Îlhan Yerlikaya, biryara girtina kanalên televîzyonê di çarçoveya biryarnamêya xwedî hukmê qanûnî de hatiye dayîn. Kanalên televîzyonê yê hatine girtin, dê di rojên pêş de bibin mijara rojeva RTUK'ê.

‘EV DARBE YE’

Têkildarî girtina televîzyonan Endame RTUK'ê Ersin Ongel diyar kir ku biryara girti-

na televîzyonan a şev nîvê şevê darbe ye û wiha got: “Ev weşanên ku hatin girtin dem dem ji ber naveroka weşanê rasti ceza hatin. Lê piştî biryarên KHK'ê û OHAL'ê RTUK'ê der barê wan de biryara girtinê da. Girtina van radyo û televîzyonan darbeya li dijî azadiya çapemeniyê ye. Balkêş e hemû qanal û radyoyên hatin girtin hemû yê kurdî û umxalî in. Ev biryarek li dijî denge herêmî û kurdî ye.” **ENQERE - ANF**

KCD çû serdana televîzyonan

Heyeta ji Hevserokê Kongreya Civaka Demokratîk (KCD) Hatîp Dicle, endamên Diwana Serokatîyê Hasan Yagiz, Musa Farogullari û Serhat Bingol pêk dihat çûn serdana televîzyonên Azadi TV, Hayatın Sesi TV, Jiyân TV, Wan TV û Zarok TV yê bi pêkanîna OHAL û

KHK'ê hatin girtin û heyetê piştigirîya xwe ji TV'yan re aşkere kir.

Di serdana Wan TV de Hatîp Dicle feraseta AKP'ê ya li hember girtina televîzyonan wekî darbeyê nixand û wiha got: “Bi taybetî ev êrîş li dijî kurd û weşangeriya kurdî ye.

Em êrîşên li dijî kurdî re rûbirû mane. Em vê pêkanîna rêşkirîna weşana şermezar dikin û piştigirîya xwe didin xuyakirin. Bi îlankirina OHAL'ê re ev dem ji dema darbeya 12'ê Îlonê bihuriye. Ev êrîşên faşîst serdema Hitleran a faşîst tîne bîra mirov.” **AMED**



DBP û HDP'ê nerazîbûn nîşan da

PARTIYA HERÊMAN a Demokratîk (DBP) û Partiya Demokratîk a Gelan (HDP), bi daxuyaniyên nivîskî girtina kanalên şermezar kirin.

Di daxuyaniya DBP'ê de hat ragihandin ku girtina TV û Radyoyan darbeya li dijî çapemeniya azad e û hat gotin ku Zarok TV yekane kanala bi kurdî jî bo zarokan weşanê dîke û Jiyân TV jî yekane kanala televîzyonê ya bi zaravayê Dimilkî weşan dikir, bûn. DBP'ê da zanîn ku TV 10 jî li ser çand, kevneşopî û jiyana civaka elewiyan weşana xwe dikir. HDP'ê jî girtina 10 TV û radyo şermezar kir û da zanîn ku di roja dirêjkirina OHAL'ê de darbe ye û hat destnîşankirin ku ev pêkanînen li dijî çapemeniyê cihê xwe di hiqûqa navxweyî û navneteweyî de nîne. **ENQERE - ANF**

Dolar 3 TL jî derbas kir

Li Tirkîyeyê her ku diçe rewşa aborî xirab dibe û gotinên rayedarên dewletê li hev nakin. Piştî ku Moody's pileya kredî ya Tirkîyeyê daxist asta ‘sergo’ dolar zêdetir dibe û jî niha ve 3 TL'ê jî derbas kir. Serokomarê tirk Erdogan rewşa aborî mîna listikên hêzên derve dinirxîne,

zavayê wî û wezîrê Enerjiyê Berat Albayrak henekên xwe biryara Moody'sê kir. Lê Cigirê Serokwezîr Mehmet Şimşek da zanîn ku biryara Moody'sê cidî digirin û hewl didin pileya krediyê bilind bikin. Wisa xuya dîke di rojên pêş de dê aboriya Tirkîyeyê pir xirab bibe. **AMED**

‘Ji bo OHAL'ê 12 meh jî têrê nake’

Serokomarê tirk Recep Tayyip Erdogan cara 27'emîn bi keyayan re civîn lidarxist. Erdogan di axaftina xwe de balkişand ser dirêjkirina dema Rewşa Awarte (OHAL) û wiha got: “Em niha bi demê re ketine pêşbirkê. Wisa xuya dîke ku 3 meh têrê nake. Ji ber vê yekê di civîna Lijneya Ewlehiyê ya Neteweyî (MGK) de hat pêşniyarkirin ku OHAL 3 mehên din jî were dirêjkirin.

Hikûmeta me jî çî pêwîst e dê bike.” Erdogan mînaka dirêjkirina OHAL'ê ya Fransayê da û wiha got: “Fransayê biryara salekî ya OHAL'ê girt. Li cihanê tu kesekî ji Fransayê re negot we çîma biryara salek OHAL'ê girt. Hinek hevalên me yê wezîr dibêjin bila êdî bi dawî bibe. Ez jî ji wan re dibêjim rawestî, tişteki wisa nabe, sebir bikin, 12 meh jî têrê nake.” **ENQERE**



Şîrove

Ahmet Aktaş

saktas25@hotmail.com

Tirkiye çima ewqas ket rojeva cîhanê?

Di vê dema dawî de, trafîka dîplomasiyê li Tirkîyeyê gelek zêde bû. Gelo çîma?

Di dema darbeyê de, AKP gazinc ji dewletên cihanê hemûyan dikir û aşkera digot, “ji nav dewletên cihanê, yek tenê ji jî rêveberê wan, ji bo serxweşiyê nehat serdana me!” Lê niha em bala xwe didinê, di serî de Amerîka û pişt re dewletên din, wekî ku ketibin rezê û wekî bi hev re ketibin nava pêşbirkê, giregirên wan, yek diçe yek tê.

Ji Amerîka, bi cigirê Obama John Biden re serdana Tirkîyeyê dest pê kir, pişt re Serokê Artêşê û hwd. da pey hev. Ji Inglîstanê Wezîrê Karûbarê Derve Johnson, ji YE Serokê Parlamena Ewropayê, nûnerên bilind wekî Luîsa Mogherîni hatin Tirkîyeyê.

Her wiha Sekreterê Giştî yê NATO Stoltenberg jî hat Tirkîyeyê. Trafîka Merkel a Tirkîyeyê jî xurtbû, lê vê dema dawî navbera wan hinekî sar xuya dîke. Navbera wan û Hollanda jî xerabûye. Li gorî saloxan Wezîrê Karûbarê Derve yê Danîmarka, Prensê Siûdî Welîahî Abdûlezîz tî Tirkîyeyê.

Wezîrê Karûbarê Derve yê Îranê Cewad Zarîf jî bû çend care ku tî Tirkîyeyê. Serokê Arteşa Rûsyayê hatibû Tirkîyeyê û niha jî tî gotin ku di 10-11'ê cotmehê de Pûtîn jî tî Tirkîyeyê.

Ma gelo van berpirsiyarên giregir yê van dewletan, ji bo xêra Tirkîyeyê tî? Na xêr. Hemû jî bo berjewendiyên xwe tî û diçin. Sedemên ku niha ewqas zêde tî jî, ne ji ber ku dewleta tîrka pir hêja ye an jî pir mezin e û bi îstîk-rar e. Na xêr, berovajî, bi taybetî jî piştî “Darbeya Feto”, ger qudretek vî dewletê hebû ya jî, ew jî hilweşî-ya û tiştêk tî de nemaye.

Mirov dikare bişîbîne dema “mîrovê nexweş” yê Împaratoriya Osmanîyan. Wekî wê çaxê, dîsa hemû dewlet û bi giranî jî dewletên gir, wekî Amerîka û Rûsya, ji bo parçeyekî ji vî laşî bixînin para xwe, tîne serdana dewleta nexweş ya AKP'ê dikin. Yanî bi gotinek din, mirov dikare bibêje niha jî laşê Beşar Esad û Hesen Ruhanî bêhtir van dewletan li ser Tirkîyeyê ketine nava pêşbirkê. Ji ber ku AKP jî rehet na sekîne, muziriya dîke.

Bêguman ji bo xwe jî devê van guran rizgar bike dewleta AKP'ê jî, ne li dijî wan, belê li dijî gelê me yê mazlûm, hinek projeyên bê xêr daye ber xwe û bêwijdanî û bêexlaqî hespê xwe jî bo vî armancê dibezîne. Helbet nikare xwe rizgar bike û pir xerab jî tîk diçe. Ji Amerîka ra dibêje; “dev ji tevgera kurdan berde, were ez û tu bi tenê em dikarin Reqa û Musilê jî rizgar bikin!” Wekî ku Amerîka herêmê nas nake, hêzên li wir nas nake û nîzane ku kî dikare çî bike, bi tenê AKP'î zanin û lewma aqil dide wan!

Bêguman li herêmê, ji bilî Têvgera Azadiya Kurdan (di serî de PKK, PYD û hwd.) yê xwedî biryar in. Yê ku dibêjin filan hêz (wekî PDK, ENKS, DAIŞ, El Nûsra û hwd.) û filan dewlet (Tirkîye, Îran, Suriye, Iraq û hwd.) razî nabin an jî qaîl nabin, şaş analîzan dikin. Ev hemû; hinek jî bi Rûsya ve, hinek jî bi Amerîka ve girêdayî ne. Rûsya û Amerîka jî heta niha hinek bilev-hatinê dikaribûn bi hevve bimeşî-yan, lê diyar e ku nakokiyên navbera wan jî diwar dibin. Ev babet dirêje û mijara nivîsek din e.